



Broj: 01-280/22
Vareš, 29.12.2022. godine

Z A P I S N I K
sa 20. sjednice Općinskog vijeća Vareš,
održane 30.11. 2022. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibršimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 20. sjednicu s početkom u 15.00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa, gosp. Čedomir Jelić, rukovodilac JURA – gosp. Rusmir Berberović, ispred Službe za privredu, finansije i trezor – gosp. Mirza Fatić, rukovodilac PJ Elektro distribucija Vareš – gosp. Adi Mlivić i predstavnici medija.

Sekretar OV Leon Pavlović izvijestio je Vijeće da je na 19. sjednici OV održanoj 27.10.2022. godine, Vijeće je donijelo pet (5) Zaključaka koji su realizovani. Postavljeno je deset (10) vijećničkih pitanja. Na sva pitanja je odgovoreno. Podnosiocima pitanja i svim ostalim vijećnicima dostavljeni su pisani odgovori na vijećnička pitanja. Podnesena je jedna (1) Inicijativa o formiranju ambulate u MZ Budužolje. Ista je prosljeđena JU Dom zdravlja i čeka se povratna informacija.

Općinski načelnik Zdravko Marošević pod aktuelnim pitanjima nije imao obraćanje za današnju sjednicu.

(Izjašnjavanje vijećnika o dobivenom odgovoru)

Vijećnik Dario Dodik nije zadovoljan odgovorom na vijećničko pitanje koje je postavio na 19. sjednici OV koja je održana 27.10. 2022. god., koje je glasilo:

„Kada se vratimo unazad na sva postavljena pitanja i podnesene Inicijative, i na sve odgovore koje smo dobili, realizacija ne postoji, navest ću i primjere

- autobusna linija Vareš-Zenica,
- vodovod Pogar-Zaruđe-Strica,
- infrastrukturni projekti u Varešu,
- sanacija mosta na pijaci,
- asfaltiranje dijelova ceste na Zaruđu i Pogari, tada je rečeno i Očevija,
- najavljena asfaltiranja u gradu (Rudarska, ulica prema velikom parkingu, mislim da je bila i ulica Franjići u planu, da li gore Jušići ili Matijevići)
- moja Inicijativa za mali parking.

Moje generalno pitanje jeste – „Kada će se krenuti u ispunjenje obećanja?“ Odgovor želim pismeno.

Dopunio bih svoje pitanje sa prošle sjednice. Tržim odgovor pismeno, ovako kako je nabrojano, projekat po projekat. U kojoj je fazi, da li je potpisan ugovor sa izvođačem, da li su ugovoreni penali, da li su zatražene naplate naknada tih penala i kada će biti završeno ovo što je planirano da se radi?“

(Vijećnička pitanja i Inicijative)

Nedžad Mušanović

1. „Pitanje upućujem Općinskom načelniku ili njegovom pomoćniku Erminu Musi. Da li ima informaciju vezanu za novi regionalni put R444b Šimin Potok-Nišići. Da li se zna ko će vršiti zimsko održavanje i da li se pričalo sa direktorom JKP d.o.o. vezano za čišćenje i održavanje lokalnih puteva u MZ Ravne i MZ Zubeta?“

Inicijativa

Šaban Ibrišimović

2. Inicijativa se odnosi na preategorizaciju regionalne ceste R 444 Podlugovi–Breza–Vareš–Podkamensko i dionice regionalne ceste R 467 Podkamensko–Ribnica u magistralnu cestu. (Inicijativa podnesena pisanim putem)

Predsjedavajuća OV stavila je na raspravu Zapisnik sa 19. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 19. sjednice OV i nakon izjašnjavanja vijećnika konstatuje da je **jednoglasno sa 17 glasova „ZA“** (odsutni vijećnici Maja Berberović i Mario Mirčić) **usvojen Zapisnik sa 19. sjednice OV.**

Predsjedavajuća OV stavila je na raspravu prijedlog dnevnog reda za **20. sjednicu OV** koji je usaglašen na Kolegiju Općinskog vijeća.

Predsjedavajuća OV uz dato pojašnjenje predložila je da Vijeće tačku 10. „Informacija o stanju napajanja električnom energijom na području općine Vareš“ razmatra kao tačku 1. dnevnog reda, a da se ostale tačke pomjere za jedno mjesto.

Nije više bilo učesnika i predsjedavajuća OV stavila je na izjašnjavanje prijedlog dnevnog reda 20. sjednice OV sa predloženom izmjenom i nakon izjašnjavanja vijećnika konstatuje da

je jednoglasno sa 17 glasova „ZA“ (odsutni vijećnici Maja Berberović i Mario Mirčić) usvojen sljedeći

Dnevni red

- 1.** Informacija o stanju napajanja električnom energijom na području općine Vareš.
Izjavitelj: Ermin Musa
- 2.** Izvještaj o izvršenju budžeta/proračuna Općine Vareš za period januar/siječanj – rujan/septembar 2022. godine.
Izjavitelj: Općinski načelnik.
- 3.** Izmjene i dopune budžeta/proračuna Općine Vareš za 2022. godinu.
Izjavitelj: Općinski načelnik.
- 4.** Nacrt budžeta/proračuna Općine Vareš za 2023. godinu.
Izjavitelj: Općinski načelnik.
- 5.** Nacrt Odluke o izvršenju budžeta/proračuna Općine Vareš za 2023. godinu.
Izjavitelj: Općinski načelnik.
- 6.** Prijedlog Rješenja o izmjeni Rješenja o imenovanju Komisije za sprovođenje javnog konkursa za raspolaganje nekretninama u vlasništvu općine Vareš.
Izjavitelj: Ermin Musa.
- 7.** Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za period 2022. do 2026. godine, broj 02-1956/22 od 11.11.2022. godine.
Izjavitelj: Ermin Musa
- 8.** Informacija o rekonstrukciji i izgradnji regionalnog puta R-444 Podlugovi – Breza – Vareš – Vijaka – Podkamensko i R-444 a Vareš Bobovac Kraljeva Sutjeska.
Izjavitelj: Ermin Musa.
- 9.** Informacija o stanju lokalne i regionalne putne mreže na području općine Vareš.
Izjavitelj: Ermin Musa
- 10.** Informacija o vodosnabdijevanju i odvozu smeća na području općine Vareš.
Izjavitelj: Ermin Musa.
- 11.** Informacija o postignutom uspjehu u školskoj 2021/2022. godini u OŠ „Vareš“, OŠ „Vareš Majdan“ i MSŠ „Nordbat-2“ Vareš.
Izjavitelj: Čedomir Jelić.
- 12.** Tekuća pitanja.

Ad. 1.

(Informacija o stanju napajanja električnom energijom na području općine Vareš.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

Informaciju o stanju napajanja električnom energijom na području općine Vareš.

Općinski načelnik Zdravko Marošević u svom obraćanju predložio je da se u što skorije vrijeme organizuje sastanak sa predstavnicima PJ Elektro distribucija Vareš, na kome bi se dala detaljna informacija šta se planira u idućoj godini raditi na poboljšanju napajanja električnom energijom na području općine Vareš.

Rukovodilac PJ Elektro distribucija Vareš gosp. Adi Mlivić izjavio je da podržava prijedlog Načelnika za održavanjem sastanka i zahvalio se na saradnji.

Ad. 2.

(Izveštaj o izvršenju budžeta/proračuna Općine Vareš za period januar/siječanj – septembar/rujan 2022. godine.)

Komisija za privredu, finansije i budžet na 9. sjednici održanoj 22.11.2022. godine jednoglasno je donijela sljedeći Zaključak:

- **Komisija prihvata Izveštaj/Izvešće o izvršenju budžeta/proračuna Općine Vareš za period januar/siječanj-septembar/rujan 2022. godine i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Izveštaj o izvršenju budžeta/proračuna Općine Vareš za period januar/siječanj – septembar/rujan 2022. godine.

Nakon izjašnjavanja vijećnika predsjedavajuća OV konstatuje da je jednoglasno sa **17 glasova „ZA“** (odsutni vijećnici Maja Berberović i Mario Mirčić) **usvojen**

Izveštaj o izvršenju budžeta/proračuna Općine Vareš za period januar/siječanj – septembar/rujan 2022. godine.

Ad. 3.

(Izmjene i dopune budžeta/proračuna Općine Vareš za 2022. godinu.)

Komisija za privredu, finansije i budžet na 9. sjednici održanoj 22.11.2022. godine jednoglasno je donijela sljedeći Zaključak:

- **Komisija prihvata Izmjene i dopune budžeta/proračuna Općine Vareš za 2022. godinu i iste upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajuća OV stavila je na izjašnjavanje Izmjene i dopune budžeta/proračuna Općine Vareš za 2022. godinu.

Nakon izjašnjavanja vijećnika predsjedavajuća OV konstatuje da **su jednoglasno sa 18 glasova „ZA“** (odsutna vijećnica Maja Berberović) **usvojene**

Izmjene i dopune budžeta/proračuna Općine Vareš za 2022. godinu.

Ad.4.

(Nacrt budžeta/proračuna Općine Vareš za 2023. godinu.)

Komisija za privredu, finansije i budžet na 9. sjednici održanoj 22.11.2022. godine jednoglasno je donijela sljedeći Zaključak:

- **Komisija prihvata Nacrt budžeta/proračuna Općine Vareš za 2023. godinu i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali: vijećnik Dario Dodik (*uz pojašnjenje izjavio da će djelovati amandmanski za povećanje sredstava za kapitalne projekte i povećanje naknade za porodilje*), Općinski načelnik Zdravko Marošević (*uz dato pojašnjenje izjavio je da Nacrt Budžeta nije razrađen detaljno iz razloga toga što je ostavljeno prostora za prijedloge po javnoj raspravi i prijedloge vijećnika*), vijećnik Emir Islamović (*izjavio je da će Klub SDA djelovati amandmanski, skrenuo pažnju na potrebu prelaska na trezorsko poslovanje*), Dario Dodik (*podsjetio prisutne na obećanje direktora JKP Vareš i Načelnika u vezi nabavke malog vozila-mašine za zimsko održavanje malih ulica i u vezi s tim postavio pitanje da li su sredstva za nabavku iste planirana u budžetu*) i Općinski načelnik Zdravko Marošević (*upoznao je Vijeće da je JKP d.o.o. Vareš izvršilo nabavku velike mašine-utovarivač i da će prebaciti određena sredstva JKP na temelju zimskog održavanja da bi preduzeće izvršilo nabavku i male mašine*).

Zaključena je rasprava i predsjedavajuća OV predložila je i stavila na izjašnjavanje sljedeći

Zaključak:

- 1. Prihvata se Nacrt proračuna/budžeta Općine Vareš za 2023. godinu.**
- 2. Nacrt proračuna/ budžeta Općine Vareš za 2023. godinu iz tačke 1. ovog Zaključka upućuje se na javnu raspravu u trajanju od 15 dana.**
- 3. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu**

današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.

4. Sastavni dio prijedloga bit će i Izvještaj o provedenoj raspravi.

5. Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen predloženi Zaključak.**

Ad.5.

*(Nacrt Odluke o izvršenju budžeta/proračuna
Općine Vareš za 2023. godinu.)*

Komisija za privredu, finansije i budžet na 9. sjednici održanoj 22.11.2022. godine jednoglasno je donijela sljedeći Zaključak:

- **Komisija prihvata Nacrt Odluke o izvršenju budžeta/proračuna Općine Vareš za 2023. godinu i isti upućuje Vijeću na razmatranje.**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV predložila je i stavila na izjašnjavanje sljedeći

Zaključak:

2. Prihvata se Nacrt Odluke o izvršenju proračuna/budžeta Općine Vareš za 2023. godinu.

3. Nacrt Odluke o izvršenju proračuna/ budžeta Općine Vareš za 2023. godinu iz tačke 1. ovog Zaključka upućuje se na javnu raspravu u trajanju od 15 dana.

4. Zadužuje se Općinski načelnik i nadležna služba za upravu da provedu javnu raspravu u skladu sa aktima OV, i da na osnovu današnje rasprave i prijedloga datih u toku rasprave sačine Prijedlog i isti dostave Vijeću na razmatranje i usvajanje.

4. Sastavni dio prijedloga bit će i Izvještaj o provedenoj raspravi.

5. Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen predloženi Zaključak.**

Ad.6.

(Prijedlog Rješenja o izmjeni Rješenja o imenovanju Komisije za sprovođenje javnog konkursa za raspolaganje nekretninama u vlasništvu općine Vareš.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o izmjeni Rješenja o imenovanju Komisije za sprovođenje javnog konkursa za raspolaganje nekretninama u vlasništvu općine Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 17 glasova „ZA“** (odsutni vijećnici Salih Memić i Malik Rizvanović) **usvojeno**

Rješenje o izmjeni Rješenja o imenovanju Komisije za sprovođenje javnog konkursa za raspolaganje nekretninama u vlasništvu općine Vareš.

Ad.7.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta za period 2022. do 2026. godine, broj 02-1956/22 od 11.11.2022. godine.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, sugestije i prijedloge iznijeli vijećnici: Dario Dodik (*predložio je da se iznos od 187.500 KM koji je planiran u Programu za 4 godine, planira za narednu godinu a da se uvrste novi projekti vezani za grad*), Maja Berberović (*podsjetila je na Inicijativu od vijećnice Amele Brkić u kojoj je tražila da se rekonstruiše cesta prema Pruzi i u vezi s tim moli ako može da se ta Inicijativa uvrsti u ovaj plan i da se izvrši rekonstrukcija te ceste*), Nazif Hajrić (*podsjetio na svoju Inicijativu vezano za rekonstrukciju puta Pajtov Han-Striježovo, na osnovu koje je dobio odgovor da je to u planu i da će biti završeno do kraja tekuće godine. Nije završeno i traži odgovor u vezi istog od pomoćnika načelnika*), Amela Brkić (*skrenula pažnju da put za Neprivaj nije planiran*), Sahudina Beganović (*smatra da treba planirati veća sredstva za područje grada i da ovaj plan treba biti za jednu godinu*), Mahira Brkić (*Program se radi za četiri godine, jedino što je moguće, ukoliko se Načelnik složi i njegov pomoćnik, odgoditi izjašnjavanje po ovoj tački dnevnog reda, ukoliko postoji mogućnost da se nešto od iznesenog uvrsti*), Općinski načelnik Zdravko Marošević (*Program donosi Načelnik, a Vijeće daje suglasnost na isti, Program za četiri godine rađen je na osnovu Strategije koja je rađena za period od deset godina i to je razlog iznosa koji je planiran u Programu za četiri godine, upoznao je prisutne sa određenim planiranim radovima na sanacija cesta*), Dario Dodik (*podsjetio je da je Strategija usvojena na prošloj sjednici Vijeća sa primjedbama i zatraženo je da se iste uvrste, siguran je da nisu sve uvrštene, smatra da treba izvršiti preslušavanje prošle sjednice OV, da se vidi koje su bile sugestije i šta smo tražili. Traži da se izvrši uvid šta je oštećeno na putevima u gradu i šta treba da se popravljia i da se to uvrsti u Program za naredne četiri godine i da se uvrsti u Strategiju*), Općinski načelnik Zdravko Marošević (*izjavio je da će nadležnoj službi dati u*

obavezu da pregleda dokument i da se isti doradi bolje. Mišljenja je da nije realno za četiri godine toliko sredstva odrediti, o istom je dao pojašnjenje.

Predsjedavajuća OV Mahira Brkić predložila je prijedlog zaključka na osnovu člana 83. Poslovnika o radu OV, gdje Vijeće može odgoditi izjašnjenje po ovoj tački dnevnog reda i da se u skladu sa svim iznesenim primjedbama i na osnovu tonskog zapisnika usaglasi i na sljedećoj sjednici Vijeću dostavi novi Program.

U daljnjoj raspravi su učestvovali vijećnici: Mario Mirčić (podsjetio je da su svi planski dokumenti podložni izmjenama, i da Načelnik o ovom programu podnosi Vijeću godišnji izvještaj i da ima prostora da se Program mijenja ili dopuni.), Dario Dodik (replika), pomoćnik načelnika Ermin Musa (podsjetio je Vijeće da nakon donošenja četverogodišnjeg plana, donosi se jednogodišnji plan, Vijeće treba da da suglasnost na četverogodišnji Program, kako bi za narednu sjednicu bio pripremljen Program za narednu godinu, izjavio je da Načelnik prihvata primjedbe iznesene u raspravi i da će se iste uvrstiti u Program i da Vijeće da suglasnost na takav Program na današnjoj sjednici, jer ako se na današnjoj sjednici ne da suglasnost, ne može se izvršiti izrada jednogodišnjeg Programa koji bi trebao da bude na narednoj sjednici.), predsjedavajuća OV Mahira Brkić (uz dato pojašnjenje izjavila je da na narednoj sjednici Vijeće može istovremeno razmatrati i četverogodišnji i jednogodišnji Program), Općinski načelnik Zdravko Marošević (izjavio je da će za narednu sjednicu OV biti pripremljen četverogodišnji Program sa iznesenim primjedbama i na temelju istog biti pripremljen i Program za narednu godinu, ukoliko se ne dobije saglasnost na četverogodišnji Program onda se Program za narednu godinu neće ni razmatrati) i Mirnes Ajanović (uz dato pojašnjenje sugerise da se planirana sredstva za lokalne ceste preraspodjele ili planiraju i za povratničke mjesne zajednice).

Predsjedavajuća OV predložila je i stavila na izjašnjavanje sljedeći

Zaključak:

- **Općinsko vijeće podržava prijedloge Općinskog načelnika da se o Programu rekonstrukcije izgradnje i obnove lokalnih cesta za period 2022. do 2026. godine, broj 02-1956/22 od 11.11. 2022. godine Općinsko vijeće izjasni na sljedećoj sjednici i da se pripremi novi Program rekonstrukcije izgradnje i obnove lokalnih cesta za period 2022. do 2026. uz sve primjedbe i sugestije iznesene na 20. sjednici OV i da se na istoj sjednici paralelno razmatra i godišnji Program rekonstrukcije izgradnje i obnove lokalnih cesta za 2023. godinu.**

Nakon izjašnjavanja vijećnika predsjedavajuća OV konstatuje da **je jednoglasno sa 18 glasova „ZA“** (odsutan vijećnik Nedžad Mušanović) **usvojen predloženi Zaključak.**

Ad.8.

(Informacija o rekonstrukciji i izgradnji regionalnog puta R-444 Podlugovi – Breza – Vareš – Vijaka – Podkamensko i R-444 a Vareš Bobovac Kraljeva Sutjeska.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (podsjetio je da je u toku ove godine Vijeće predložilo da se održi jedna tematska sjednica na temu iskorištavanje

šuma i razvoja regionalnog puta R 444, posebno sa osvrtom na krak koji ide prema Podkaminskom), Emir Islamović (sugeriše da bi trebalo da uputiti Uput Direkciji za ceste koliko su prethodnim budžetima planirali sredstava za regionalni put, koliko su uložili i koji su im planovi za narednu godinu.), Mahira Brkić (izjavila je da će uzeti sebi za obavezu da sazove Kolegij OV, da zakaže Tematsku sjednicu i da se na istu pozovu sve relevantne osobe ali poslije uspostavljanja Vlade ZDK) i Općinski načelnik Zdravko Marošević (iznio je svoje mišljenje da nam treba puno da se izborimo za naše probleme u vezi navedenog problema, nakon uspostavljanja Vlade ZDK planira pozvati istu i jasno im iznijeti šta su naši interesi, ciljevi i prioriteti, ako Vijeće smatra da treba zakazati tematsku sjednicu može to uraditi ali sve to treba uklopiti u većinu u Vladi-o istom je dao pojašnjenje).

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o rekonstrukciji i izgradnji regionalnog puta R-444 Podlugovi – Breza – Vareš – Vijaka – Podkaminsko i R-444 a Vareš Bobovac Kraljeva Sutjeska

Ad.9.

(Informacija o stanju lokalne i regionalne putne mreže na području općine Vareš.)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Mario Mirčić upoznao prisutne o problemu u MZ Pržići koji se pojavio prilikom saniranja nekategoriziranog puta prema naselju Brezik. Sugeriše da se riješi status ovog nekategorisanog puta.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o stanju lokalne i regionalne putne mreže na području općine Vareš.

Ad.10.

(Informacija o vodosnabdijevanju i odvozu smeća na području općine Vareš.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV uz Zaključak da je **Vijeće primilo k znanju**

Informaciju o vodosnabdijevanju i odvozu smeća na području općine Vareš.

Ad.11.

(Informacija o postignutom uspjehu u školskoj 2021/2022. godini u OŠ „Vareš“, OŠ „Vareš Majdan“ i MSŠ „Nordbat-2“ Vareš.)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV uz Zaključak da je **Vijeće primilo k znanju**

Informaciju o postignutom uspjehu u školskoj 2021/2022. godini u OŠ „Vareš“, OŠ „Vareš Majdan“ i MSŠ „Nordbat-2“ Vareš.

Ad.12.

(Tekuća pitanja.)

Predsjedavajuća OV upoznala je prisutne sa pristiglom poštom i to.

1. Dopis o problemu sa psima lutalicama u MZ Dabravine, dostavljen od roditelja navedene mjesne zajednice 07.11.2022. godine.

Općinski načelnik Zdravko Marošević u svom obraćanju izjavio je da je upoznat sa problematikom sa psima lutalicama na području općine Vareš. Taj problem se rješavao i ranije, ali Zakon je tačno odredio šta je čija nadležnost. Podsjetio je da građani koji imaju eventualne probleme moraju se obratiti i sa istim upoznati predsjednika mjesne zajednice kako bi on dalje djelovao po istom. Problem sa psima lutalicama je opći problem u MZ Dabravine i on će se riješiti.

2. Inicijativa za izgradnju spomenika prvim bošnjačkim žrtvama u napadu na Vareš, broj: 670/2022 od 09.11.2022. godine dostavljena od Saveza logoraša u Bosni i Hercegovini. Po istoj Inicijativi Odsjek za boračko-invalidsku zaštitu Općine Vareš dostavio je Obavijest u kome je informisao Vijeće da Odsjek nije nadležan za izgradnju spomen obilježja civilnim žrtvama rata.

Općinski načelnik u svom obraćanju iznio je svoje mišljenje da bi najbolje rješenje bilo izgradnja spomen obilježja svim civilnim žrtvama rata, kako je to praksa u drugim općinama. Traži od Vijeća da donese određeni Zaključak u vezi navedene tematike.

Predsjedavajuća OV Mahira Brkić u svom obraćanju izjavila je da podržava izgradnju spomen obilježja ali za sve civilne žrtve rata.

Zamjenik predsjedavajuće OV Mirnes Ajanović u svom obraćanju predložio je da se formira komisija kojoj bi zadatak bio da u skladu sa zakonskim procedurama pronađe idejno rješenje izgradnje spomen obilježja svim civilnim žrtvama rata na području općine Vareš (izgled, lokalitet i sl.). U Komisiju uključiti i Udruženja logoraša.

Vijećnica Sahudina Beganović podržava prijedlog zamjenika predsjedavajuće OV Mirnesa Ajanovića.

Predsjedavajuća OV na osnovu diskusije predložila je i stavila na izjašnjavanje sljedeći

Zaključak:

- **Općinsko vijeće zadužuje Kolegij OV da na narednoj sjednici Kolegija OV predloži Komisiju koja će biti zadužena za postupak i procedure vezane za jedan zajednički spomenik svim civilnim žrtvama rata općine Vareš. Da vijećnica Sahudina Beganović dostavi listu kompetentnih lica iz raznih Udruženja, prijedloge za članove Komisije mogu predložiti i vijećnici OV Vareš.**

Nakon izjašnjavanja vijećnika predsjedavajuća OV konstatuje da **je jednoglasno sa 19 glasova „ZA“ usvojen predloženi Zaključak.**

3. Zaključci Nadzornog odbora JKP d.o.o. Vareš broj: 675-11/22 od 03.11.2022. godine u vezi problematike gubitka vode u stambenim jedinicama čije je održavanje u nadležnosti JP Vareš-stan d.o.o. Vareš i pojačan angažman inspekcijских organa prema fizičkim i pravnim licima po pitanju pravilnog odlaganja smeća.

Predsjedavajuća OV predložila je da se Zaključci dostave JP „Vareš-stan“ d.o.o. Vareš sa preporukom direktorima Javnih preduzeća čiji je Osnivač Općina Vareš (JKP d.o.o. Vareš i JP „Vareš-stan“ d.o.o. Vareš) da održe sastanak, pronađu i riješe pitanje koje je navedeno u Zaključku.

4. Izvještaj sa zajedničkog sastanka Službe za opću upravu, društvene djelatnosti i BiZ, broj:02/2-162/22 od 09.11.2022. godine, u vezi razmatranja izmjena i dopuna Strategije razvoja i unapređenja socijalne zaštite na području općine Vareš 2019-2024. godina, a po Zaključku OV sa 17. sjednice održane 30.06.2022. godine. (Vijeću na znanje).

5. Inicijativa za uspostavu Centralnih nabavnih organa broj: 05-14-2-1262-74/22 od 08.11.2022. godine.

Predsjedavajuća OV upoznala je Vijeće da je Kolegij OV Inicijativu prosljedio Odsjeku za finansije na očitovanje, koje još nije dostavljeno.

6. Informacija o realizaciji Programa rada OV za 2022. godinu, broj: 02/5-29/22 od 10.11.2022. godine dostavljena od Jedinice za upravljanje lokalnim razvojem (JURA). (Vijeću na znanje).

7. Dopis Kantonalnog suda u Zenici broj: 04 0 U 013729 22 U 2 od 07.11.2022. godine u vezi Zahtjeva BBM za vanredno preispitivanje sudske odluke kojom je odbijena tužba tužitelja BBM-Vareš d.o.o. protiv Odluke tuženog organa Općinskog vijeća Vareš, broj: 01-172/22 od 28.07.2022. godine. (Vijeću na znanje).

8. Prijedlog inicijativa za donošenje seta mjera u funkciji zaštite porodice i povećanja nataliteta povodom Nacrta budžeta za 2023. godinu, dostavljena 18.11.2022. godine od Udruženja porodica sa troje i više djece „Porodice tri plus“ Sarajevo.

Predsjedavajuća OV upoznala je Vijeće da je Kolegij OV Inicijativu prosljedio Službi za privredu, finansije i trezor.

9. Sekretar OV Leon Pavlović sugerisao je predsjednicima Klubova da dostave eventualne prijedloge za Program rada OV za 2023. godinu.

10. Odgovor na Zaključak broj 1. sa 19 sjednice OV održane 27.10.2022. godine u kome su navedene izmjene i dopune koje su izvršene u Strategiji razvoja lokalnih cesta i ulica i naseljima za period 2022-2032. godina.

Predsjedavajuća OV podsjetila je na diskusiju vijećnika Daria Dodika u kojoj je izjavio da nije sve obuhvaćeno u Strategiji što je Vijeće tražilo. **Ponovo traži da se presluša tonski zapis sa prošle sjednice OV i da se u Strategiji izmjeni sve što je navedeno i da Služba za prostorno uređenje ponovo dostavi Vijeću na uvid na narednoj sjednici.**

11. Informacija o nerealizovanim tačkama iz Programa rada OV za prvo polugodište 2022. godine, broj: 02/3-2609/22 od 24.11.2022. godine dostavljeno od Službe za prostorno uređenje.

Predsjedavajuća OV konstatovala je da je Vijeće Informaciju dobilo na početku sjednice OV. O istoj Informaciji Vijeće će raspravljati na sljedećoj sjednici iz razloga što nije dostavljena blagovremeno i što na sjednici OV trenutno nema niko ispred Izvršne vlasti.

Predsjedavajuća OV u ime Općinskog vijeća Vareš i u svoje lično ime uputila je svim građanima katoličke vjeroispovijedi čestitke za Božić.

Sastavni dio ovog Zapisnika je audio zapis sjednice.

Sjednica je završena u 17.25 sati.

S E K R E T A R

Leon Pavlović

ZAPISNIČAR

Azra Pijadžer

**PREDSEDVAJUĆA
OPĆINSKOG VIJEĆA**

Mahira Brkić